

SULIT

Isi Kandungan Taksiran Individu

Taksiran Individu 1: Kesihatan dan Kebersihan – Kebersihan Diri

Taksiran Individu 2: Sukan dan Rekreasi – Aktiviti Berbasikal

Taksiran Individu 3: Pendidikan – Sambutan Hari Guru

Taksiran Individu 4: Perpaduan – Perpaduan Kaum

Taksiran Individu 5: Keselamatan – Kes Jenayah Siber

Taksiran Individu 6: Sains, Teknologi dan Inovasi – Inovasi

Taksiran Individu 7: Kerjaya – Kerjaya Pilihan

**Taksiran Individu 8: Jati Diri, Patriotisme dan Kewarganegaraan – Masakan Malaysia
di Luar Negara**

SULIT

BAHAGIAN A: TAKSIRAN INDIVIDU 1
[40 markah]
TEMA : KESIHATAN DAN KEBERSIHAN

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

KEBERSIHAN DIRI



Kebersihan diri merujuk kepada amalan menjaga kebersihan badan kita. Kebersihan diri adalah sebahagian daripada kesejahteraan kita untuk mengekalkan penampilan yang menyenangkan serta mencegah penyebaran kuman yang dapat membawa penyakit bukan sahaja kepada diri kita sendiri tetapi juga kepada orang lain. Penjagaan kebersihan telah diperkenalkan pada peringkat awal semasa zaman kanak-kanak melalui latihan harian di rumah dan juga di sekolah. Disiplin ini perlu menjadi rutin asas bagi setiap orang demi menjamin kesihatan yang berpanjangan. Namun hal tersebut berbeza untuk warga tua kita yang agak uzur. Walaupun rutin ini berfungsi sebagai penjagaan diri yang santai namun menjadi kesukaran bagi orang yang kita sayangi.

Dipetik dan diubah suai daripada <https://hellodoktor.com>

BAHAGIAN A: TAKSIRAN INDIVIDU 2

[40 markah]

TEMA : SUKAN DAN REKREASI

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

AKTIVITI BERBASIKAL



Kesihatan adalah sesuatu yang harus diutamakan bagi mencapai kualiti dalam kehidupan. Hal ini dikatakan demikian kerana masyarakat pada hari ini begitu sibuk dengan tuntutan hidup mencari nafkah untuk keluarga. Lantaran itu, mereka tidak ada masa untuk menjalankan aktiviti lain seperti berbasikal. Sebenarnya aktiviti berbasikal terutamanya bersama ahli keluarga pada hujung minggu merupakan aktiviti yang sihat dan dituntut untuk dilaksanakan dalam kalangan masyarakat kita. Berbasikal sama ada di dalam mahupun di luar rumah menjadi suatu keseronokan yang dapat diperolehi dengan mudah. Aktiviti berbasikal amat berkesan kerana dapat mengurangkan ketegangan fikiran dan menjadi satu aktiviti yang sesuai bagi semua peringkat umur dalam membentuk kecergasan fizikal.

Dipetik dan diubah suai daripada <https://iwasihat.com>

BAHAGIAN A: TAKSIRAN INDIVIDU 3

[40 markah]

TEMA : PENDIDIKAN

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

SAMBUTAN HARI GURU



Sekolah merupakan satu institusi yang nirmala untuk memupuk dan menghasilkan generasi yang bakal menerajui kepemimpinan negara. Oleh itu, guru diibaratkan sebagai jurutera bagi membina pemimpin pada masa hadapan. Hal ini menunjukkan bahawa jasa guru amat besar sebagaimana jasa ibu bapa dalam mendidik anak-anak. Oleh itu, pihak Kementerian Pendidikan Malaysia telah menetapkan 16 Mei sebagai Hari Guru. Antara tujuan sambutan Hari Guru adalah untuk memberi peluang kepada murid-murid bagi membalas jasa dan pengorbanan para guru. Tindakan ini juga dapat mendidik murid-murid menjadi seorang yang mengenang budi dan menghormati guru-guru mereka.

Dipetik dan diubah suai daripada Internet

SULIT

BAHAGIAN A: TAKSIRAN INDIVIDU 4

[40 markah]

TEMA : PERPADUAN

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

PERPADUAN KAUM



Semua rakyat Malaysia terutamanya generasi muda perlu menghayati konsep perpaduan di bawah masyarakat Madani dengan setiap orang menerima keunikan orang lain supaya kita dapat hidup bersatu padu dan saling menghormati. Perkara inilah yang menjadi kunci kepada negara yang aman dan makmur. Pembangunan negara tidak akan bermakna jika generasi muda tidak diterapkan dengan nilai-nilai murni untuk mengisi kekosongan barisan pemimpin pada masa hadapan. Belia sebenarnya mempunyai kuasa untuk mengubah kepimpinan negara dan membawa perubahan yang positif kepada kemajuan negara. Nilai-nilai yang baik dan positif ini semestinya dapat mempengaruhi generasi muda untuk menyumbang kepada pembangunan negara. Oleh itu, kita perlulah memberi peluang kepada anak muda untuk membuktikan kewibawaan diri mereka demi mencapai kecemerlangan dalam pelbagai aspek.

Dipetik dan diubah suai daripada <https://www.bernama.com>

BAHAGIAN A: TAKSIRAN INDIVIDU 5

[40 markah]

TEMA: KESELAMATAN

Baca dan fahami bahan rangsangan di bawah dengan teliti. Kemudian jawab soalan-soalan yang dikemukakan secara lisan dengan menggunakan ayat yang gramatis.

KES JENAYAH SIBER



Kemodenan dan teknologi pada hari ini telah membawa negara kita kepada sebuah dimensi baru dalam dunia jenayah. Salah satunya ialah jenayah digital. Antara jenayah yang dilakukan oleh pelaku e-jenayah ini termasuklah serangan ke atas sistem komputer, merancang kegiatan keganasan, penyebaran fitnah dan maklumat palsu, penipuan kewangan atau lebih dikenali sebagai *scammer* (penipu) dan sebagainya. Pemerkasaan terhadap undang-undang siber merupakan sebuah usaha yang telah dilaksanakan oleh kerajaan bagi membendung jenayah digital. Undang-undang siber memainkan peranan yang penting dalam memastikan perlindungan kepada sistem maklumat, integriti sistem rangkaian komputer dan kebolehpercayaan supaya dapat dikekalkan. Salah satu akta penting yang membicarakan berkenaan dengan undang-undang siber di Malaysia ialah Akta Jenayah Komputer 1997 (*Computer Crime Act 1997*). Justeru, masyarakat seharusnya lebih peka dan cakna agar tidak menjadi salah seorang mangsa kepada pelaku e-jenayah ini.

Dipetik dan diubah suai daripada <https://ms.m.wikipedia.org>

BAHAGIAN A: TAKSIRAN INDIVIDU 6
[40 markah]
TEMA: SAINS, TEKNOLOGI DAN INOVASI

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

INOVASI



Inovasi dalam kehidupan dapat membantu meningkatkan kualiti hidup manusia sejagat. Kini, kita telah hidup dikelilingi oleh hasil inovasi yang selari dengan teknologi terkini. Tamsilnya, pengangkutan yang kita nikmati pada hari ini telah memudahkan kita untuk pergi ke pelbagai destinasi yang kita inginkan dalam tempoh masa yang singkat berbanding pada zaman dahulu. Setiap inovasi yang kita nikmati pada hari ini juga telah memudahkan kita untuk menyelesaikan urusan sesuatu pekerjaan. Oleh sebab itu, kualiti kehidupan akan semakin bertambah baik kerana manusia dapat memberikan fokus untuk meluangkan masa pada perkara yang lebih penting. Kita tidak perlu memikirkan atau menggunakan tenaga untuk pekerjaan yang remeh seperti membasuh pakaian dan menyapu lantai kerana hasil inovasi yang dicipta dapat memudahkan urusan seharian.

Dipetik dan diubah suai daripada Internet

BAHAGIAN A: TAKSIRAN INDIVIDU 7

[40 markah]

TEMA : KERJAYA

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

KERJAYA PILIHAN



Kerjaya bermaksud perkembangan dan kemajuan seseorang dari segi pekerjaan. Kerjaya selalunya merujuk kepada jawatan tetap dan berjaya menjadikan seseorang itu mencari nafkah dan menyara kehidupan. Pada hari ini, remaja seharusnya sudah menetapkan matlamat kerjaya mereka agar tidak tercari-cari atau terikut-ikut dengan matlamat orang lain. Oleh itu, remaja perlu membuat persediaan dalam memilih kerjaya yang sesuai. Antara faktor yang signifikan ialah minat dan kecenderungan remaja dalam sesuatu bidang. Hal ini dikatakan demikian kerana kedua-dua aspek ini dapat mempengaruhi kerjaya seseorang remaja. Sebagai contoh, jika remaja meminati komputer dan teknologi, maka remaja mempunyai kecenderungan dalam bidang tersebut.

Dipetik dan diubah suai daripada Wikipedia Bahasa Melayu

BAHAGIAN A: TAKSIRAN INDIVIDU 8

[40 markah]

TEMA: JATI DIRI, PATRIOTISME DAN KEWARGANEGARAAN

Baca dan fahami bahan rangsangan di bawah dengan teliti. Kemudian jawab soalan-soalan yang dikemukakan secara lisan dengan menggunakan ayat yang gramatis.

MASAKAN MALAYSIA DI LUAR NEGARA



Masakan dari Malaysia merupakan antara hidangan di dunia yang mencerminkan kepelbagaian budaya. Selain mempamerkan wujudnya masyarakat majmuk di negara ini, masakan Malaysia juga merupakan satu persembahan kulineri yang unik. Menyedari masakan Malaysia mempunyai daya tarikan terhadap pelancong asing, kerajaan Malaysia melancarkan Program Dapur Malaysia (Malaysia Kitchen) pada tahun 2006 bagi mempromosi negara melalui restoran-restoran Malaysia di seberang laut. Pada tahun 2009, Perbadanan Pembangunan Perdagangan Luar Malaysia (Matrade) mengambil alih pengendalian serta promosi program itu dan menganjurkan aktiviti pengiklanan serta promosi yang meluas di London dan juga New York. Usaha Matrade mempromosi masakan serta restoran Malaysia di New York membuka tirai dengan persembahan empat jenis hidangan makan tengah hari disediakan chef terkenal Zakary Pelaccio yang dibantu chef Malaysia iaitu Hasni Ghazali, Erik Cheah dan Kathy Wong dari Pusat Kulineri Antarabangsa New York.

Dipetik dan diubah suai daripada <https://www.portalmalaysia.com>

SULIT

Isi Kandungan Taksiran Kumpulan

Taksiran Kumpulan 1: Kesihatan dan Kebersihan

Taksiran Kumpulan 2: Sukan dan Rekreasi

SULIT

BAHAGIAN B: TAKSIRAN KUMPULAN 1
[40 markah]

TEMA : KESIHATAN DAN KEBERSIHAN

Kebersihan diri menjamin kesihatan diri, keluarga dan masyarakat.

Bincangkan

KERTAS PEPERIKSAAN TAMAT

SULIT

BAHAGIAN B: TAKSIRAN KUMPULAN 2
[40 markah]

TEMA : SUKAN DAN REKREASI

Badan cergas otak cerdas perlu diamalkan dalam diri setiap individu.
Ulaskan.

KERTAS PEPERIKSAAN TAMAT